

果報皆不失壞無有作業者無有受報者但隨世俗故有非第一義大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸根如幻境界如夢一切譬喻當如是知

十四末

大寶積經卷第七十三

皇三

深邃下雖反腠膜上音拋尿府也腋古來反  
 踝胡瓦切暹浮陀上音莫脂掘強古來反  
 麥麩乾下反卑尸迦日受胎名也

大寶積經卷第七十四

皇四

高齊北天竺三藏那連提耶舍譯

菩薩見實會第十六之十四

六界差別品第二十五之二

大王如人夢中見於國中第一端正最勝女人於彼女邊得聞微妙可愛音樂彼人聞已

一

以彼樂音而自娛樂受五欲樂是人覺已憶念夢中可愛音樂於意云何夢中所見是實有不王言不也大王於意云何是人所夢執謂為實是為智不王言不也世尊何以故夢中所見最勝女人可愛音樂畢竟是無況五欲樂是人但自疲勞都無有實佛言大王如是愚癡無聞凡夫見最勝女人及以音樂稱可其意心生執著生執著已起於愛樂既愛樂已生染著心生染著已作染著業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後

識滅見先所作心想中現大王是人見已心  
生忙怖自分業盡異業現前大王如似夢覺  
念夢中事如是大王最後識為主彼業因緣  
故以此二緣生分之中識心初起或生地獄  
或生畜生或生閻魔羅界或生阿脩羅處或  
生天人中前識既滅生分識生生分相續心

心種類不絕大王無有一法從於此世至於  
他世而有生滅見所作業及受果報皆不失  
壞無有作業亦無受報者大王彼後識滅  
時名為死數若初識生名為生數大王彼後  
識起時無所從來及其滅時亦無所至其緣  
生時亦無所從來滅時亦無所至其業生時  
亦無所從來滅時亦無所至死時亦無所從  
來滅時亦無所至初識生時亦無所從來滅  
時亦無所至其生亦無所從來滅時亦無所  
至何以故自性離故彼後識後識體性空緣  
緣體性空業業體性空死死體性空初識初  
識體性空受受體性空世間世間體性空涅

槃涅槃體性空起起體性空壞壞體性空大  
王如是作業果報皆不失壞無有業者無  
有受報者但隨世俗故有非第一義大王當  
知一切諸法皆悉空寂一切諸法空者是空  
解脫門空無空相是無相解脫門若無相者  
則無願求名無願解脫門如是大王一切法

皇四

二

皆具三解脫門與空共行涅槃先道遠離於  
相遠離願求究竟涅槃界決定如法界周遍  
虛空際大王當知諸根如幻境界如夢一切  
譬喻當如是知大王耳聞惡聲生於惡心大  
王如人夢中親愛別離生大苦惱悲號啼哭  
或離父母妻子所愛眷屬是人覺已憶念夢  
中親愛別離悲哭等事於意云何夢中所見  
是實有不王言不也佛言大王於意云何是  
人所夢執謂為實是為智不王言不也世尊  
何以故夢中所見親愛別離畢竟是無何況  
悲泣是人徒自疲勞都無有實佛言大王如  
是愚癡無聞凡夫見聞惡聲而生執著生執

著已起不愛心以不愛故生於瞋心生瞋心故造作瞋業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生憂怖自分業盡異業

現前大王如似夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有生滅見所作業

皇四

三

及受果報皆不失壞無有作業亦無受報者大王彼後識滅時名為死數若初識生名為生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生

時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受受體性空世間世間體性空涅槃涅槃體性空起起體性空壞壞體性空大王如是作業果報皆不失壞無有業者無有受報者但隨世俗故有非第一義大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切諸法皆具三解脫門與空共行涅槃先道遠離於相遠離願求究竟涅槃界決定如法界周徧虛空際大王當知諸根如幻境界如夢一切譬喻當如是知大王耳聞捨聲起於捨相大王如入夢中聞不了句義聲是人覺已憶念夢中所聞之聲於意云何夢中聞聲是實有不王言不也大王於意云何是人所夢執謂為實是為智不王言不

也世尊何以故夢中畢竟無有音聲可得何況當有了義及不了義句是人空自疲勞都無有實佛言大王如是愚癡無聞凡夫聞於捨聲而生執著生執著已而生迷惑生迷惑已造作癡業所謂身三口四意三種業造作業已便即謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現是人見已心生執著自分業盡異業現前大王如似夢覺念彼夢中不了句義之聲大王如是最後識為主彼業因緣故以此二緣生分之中識心初起或生地獄或生畜生或

皇四

四

生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名為死數若初識生名為生數大王彼後識起時無所從

來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有業者無有受報者但隨世俗故有非第一義大王當知一切諸法皆悉空寂一切諸法空者是空解脫門空

無空相名無相解脫門若無相者則無願求名無願解脫門如是大王一切諸法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸根如幻境界如夢一切譬喻當如是知大王如人夢中以栴檀香或多摩羅

皇四

五

葉香及諸種種餘香用塗已身是人覺已憶念夢中栴檀之香及多摩羅葉香并餘香等於意云何如夢中所見是實有不王言不也大王於意云何是人所夢執謂爲實是爲智不王言不也世尊何以故夢中畢竟無有諸香況塗其身是人徒自疲勞都無有實佛言

大王如是愚癡無聞凡夫觸聞妙香便生愛著生愛著已復更深樂生深樂已起染著心生染著已作染著業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王如似夢覺憶念夢中所聞諸香如是大王最後識爲主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有

生滅見所作業及受果報皆不失壞無有作業者亦無受報者大王彼後識滅時名爲死數若初識生名爲生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切諸法皆具三解脫門與空共行涅槃先道遠離於

相遠離願求究竟涅槃界決定如法界周遍  
虛空際大王當知諸根如幻境界如夢一切  
譬喻當如是知大王如人夢中夢見死虵死  
狗死人等死繫著於頸是人覺已憶念夢中  
所見死虵死狗死人之死心生怖畏大王於  
意云何如是夢中或以一死繫著於頸是真

實不王言不也世尊佛言是人執於夢中所  
見之死寧為智不王言不也世尊何以故夢  
中畢竟無有死虵死狗死人之死況將繫頸  
是人徒自疲勞都無有實佛言大王如是無  
聞愚癡凡夫既見臭惡而生執著生執著已  
起不愛心以不愛故生於瞋心生瞋心故造

作瞋業所謂身三口四意三種業造彼業已  
便即謝滅是業滅已不依東方而住亦復不  
依南西北方四維上下而住如是之業乃至  
臨死之時最後識滅見先所作心想中現大  
王是人見已心生厭惡自分業盡異業現前  
大王如似夢覺念夢中事如是大王最後識

為主彼業因緣故以此二緣生分之中識心  
初起或生地獄或生畜生或生閻魔羅界或  
生阿脩羅或生天人中前識既滅受生分識  
生生分相續心種類不絕大王無有一法從  
於今世至於後世而有生滅見所作業及受  
果報皆不失壞無有作業亦無受報者大

皇四

七

王彼後識滅時名為死數若初識生名為生  
數大王彼後識起時無所從來及其滅時亦  
無所至其緣生時亦無所從來滅時亦無所  
至其業生時亦無所從來滅時亦無所至死  
時亦無所從來滅時亦無所至初識生時亦  
無所從來滅時亦無所至其生亦無所從來  
滅時亦無所至何以故自性離故彼後識後  
識體性空緣緣體性空業體性空死死體  
性空初識初識體性空受生受生體性空世  
間世間體性空涅槃涅槃體性空起起體性  
空壞壞體性空大王如是作業果報皆不失  
壞無有業者無有受報者但隨世俗故有

非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切諸法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸

根如幻境界如夢一切譬喻當如是知大王如人夢中夢鼻根壞是人覺已憶念夢中所壞鼻根於意云何夢中所見是實有不王言不也大王於意云何是人所夢執謂為實是為智不王言不也世尊何以故夢中畢竟無有鼻根況復壞也是人徒自疲勞都無有實

佛言大王如是愚癡無聞凡夫見鼻根壞便生執著生執著已起於恐懼既恐懼已生染著心生染著已作染著業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先

所作心想中現大王是人見已心生忙怖自分業盡異業現前大王如似夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕

皇四

八

大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是

作業果報皆不失壞無有作業者無有受報者但隨世俗故有非第一義大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切諸法皆具三解脫門與空共行涅槃先道遠離於相遠

離願求究竟涅槃界決定如法界周遍虛空際大王當知諸根如幻境界如夢一切譬喻當如是知大王如人夢中自身飢渴得百味饌恣意而食是人覺已憶念夢中百味飲食於意云何是人所夢是真實不王言不也佛言大王於意云何是人所夢執謂爲實是爲

皇四

九

智不王言不也世尊何以故夢中畢竟無有飲食况復食也是人徒自疲勞都無有實佛言大王如是愚癡無聞凡夫見百種食已心生執著生執著已起貪樂心既貪樂已心生染著生染著已作染著業所謂身三口四意三種業造彼業已即便謝滅是業滅已不依

東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生貪樂自分業盡異業現前大王如彼夢覺念夢中事如是大王最後識爲主彼業因緣故以此二緣生分之中識心初起或生地獄或生畜生

或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於今世至於後世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業



業體性空死死體性空初識初識體性空受  
 生受生體性空世間世間體性空涅槃涅槃  
 體性空起起體性空壞壞體性空大王如是  
 作業果報皆不失壞無有作業無有受報  
 者但隨世俗故有非第一義大王當知一切  
 諸法皆悉空寂一切諸法空者是空解脫門

空無空相名無相解脫門若無相者則無願  
 求名無願解脫門如是大王一切法皆具三  
 解脫門與空共行涅槃先道遠離於相遠離  
 願求究竟涅槃界決定如法界周遍虛空際  
 大王當知諸根如幻境界如夢一切譬喻當  
 如是知大王如人夢中為飢所逼遇得苦瓠

皇四

十

并拘奢得子及維婆子等而便食之是人覺  
 已念於夢中所食苦瓠子等於意云何是人  
 所夢是真食苦瓠以不王言不也大王於意  
 云何是人所夢執謂為實便生瞋恚是為智  
 不王言不也世尊何以故夢中畢竟無有苦  
 瓠及拘奢得子等况復食也是人徒自疲勞

都無有實佛言大王如是愚癡無聞凡夫夢  
 為飢所逼心生執著生執著已作執著業所  
 謂身三口四意三種業造彼業已即便謝滅  
 是業滅已不依東方而住亦復不依南西北  
 方四維上下而住如是之業乃至臨死之時  
 最後識滅見先所作心想中現大王是人見

已心生妄想自分業盡異業現前大王如彼  
 夢覺念夢中事如是大王最後識為主彼業  
 因緣故以此二緣生分之中識心初起或生  
 地獄或生畜生或生閻魔羅界或生阿脩羅  
 或生天人中前識既滅受生分識生生分相  
 續心種類不絕大王無有一法從於今世至

於後世而有生滅見所作業及受果報皆不  
 失壞無有作業亦無受報者大王彼後識  
 滅時名入死數若初識生名入生數大王彼  
 後識起時無所從來及其滅時亦無所至其  
 緣生時亦無所從來滅時亦無所至其業生  
 時亦無所從來滅時亦無所至死時亦無所

皇四

十

從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體

性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸根如幻境界如夢一切譬喻當如是知大王如人夢中夢舌根壞是人覺已憶念夢中舌根毀敗於意云何是人所夢是真壞不王言不也大王於意云何是人所夢執謂實壞是為智不王言

不也世尊何以故夢中畢竟無有舌根況復壞也是人徒自疲勞都無有實佛言大王如是愚癡無聞凡夫見舌根壞心生執著生執著已生不愛心生不愛已作染著業所謂身三口四意三種業造彼業已即便謝滅是業滅已不依東方而住亦復不依南西北方四

維上下而住如是之業乃至臨死之時最後識滅見先所作心想中現大王是人見已心生怖懼自分業盡異業現前大王如彼夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於此世至於他世而有生滅見所作業及受果報皆不失壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生

皇四

十二

時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅時亦無所至其生亦無所從來滅時亦無所至何以故自性離故彼後識後識體性空緣緣體性空業業體性空死死體性空初識初識

體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無

相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法界周遍虛空際大王當知諸根如幻境界如夢一切譬喻當如是知大王猶如夢中自觀國中最勝之女共相抱持是人覺已憶念夢中

所得細觸於意云何是人所夢是真實不王言不也大王於意云何是人所夢執謂真實是為智不王言不也世尊何以故夢中畢竟無有此女況受細觸是人徒自疲勞都無有實佛言大王如是愚癡無聞凡夫見可意色眼見色已心生執著生執著已起於愛欲起

皇四

十三

愛欲已生染著心生染著已作染著業所謂身三口四意三種業造彼業已即便謝滅是業滅已不依東方而住亦復不依南西北方四維上下而住如是之業乃至臨死之時最後識滅見先所作心想中現大王是人見已心生愛喜自分業盡異業現前大王如彼夢覺念夢中事如是大王最後識為主彼業因緣故以此二緣生分之中識心初起或生地獄或生畜生或生閻魔羅界或生阿脩羅或生天人中前識既滅受生分識生生分相續心種類不絕大王無有一法從於此世至於他世而有生滅見所作業及受果報皆不失

壞無有作業者亦無受報者大王彼後識滅時名入死數若初識生名入生數大王彼後識起時無所從來及其滅時亦無所至其緣生時亦無所從來滅時亦無所至其業生時亦無所從來滅時亦無所至死時亦無所從來滅時亦無所至初識生時亦無所從來滅

時亦無所至其生亦無所從來滅時亦無所至何以故自性離故彼後識後識體性空緣體性空業業體性空死死體性空初識初識體性空受生受生體性空世間世間體性空涅槃涅槃體性空起起體性空壞壞體性空大王如是作業果報皆不失壞無有作業

者無有受報者但隨世俗故有非第一義也大王當知一切諸法皆悉空寂一切諸法空者是空解脫門空無空相名無相解脫門若無相者則無願求名無願解脫門如是大王一切法皆具三解脫門與空共行涅槃先道遠離於相遠離願求究竟涅槃界決定如法

界周遍虛空際大王當知諸根如幻境界如夢一切譬喻當如是知

古栗

大寶積經卷第七十四

皇四

悲號下音毫饌傷也苦瓠下音護維婆而上

大寶積經卷第七十五

皇五

高齊北天竺三藏那連提耶舍譯

菩薩見實會第十六之十五

六界差別品第二十五之三

大王如人夢中自持熱銅葉纏被其身是人覺已憶念夢中所被銅葉於意云何是人所

夢是真實不王言不也大王於意云何是人所夢執謂真實是為智不王言不也世尊何以故夢中畢竟無有銅葉況以衣身是人徒自疲勞都無有實佛言大王如是愚癡無聞凡夫見恐懼事心生執著生執著已起於怖畏於怖畏已作怖畏業謂身三口四意三種